

Caput quintum

quia tametsi debeat seipsum magis diligere, quam proximum; tenetur tamen similia dilectionis signa exhibere proximo, atque sibiipsi. Et hoc significat particula, *sicut*.

2. *Quæres*, in quo consistat hæc similitudo? Respondeo. In tribus. 1. In materia. 2. in modo & qualitate. 3. in affectu. Vult enim Deus, ut ea bona, quæ tibi optas, optes etiam proximo: ut sicut teipsum diligis propter Deum, sic etiam proximum propter Deum; ut eo affectu & conatu, quo diligitis teipsum, diligas etiam proximum. Salvo semper ordine Charitatis. De quo fusè disputatum est in 2.2.

3. Dices: Homo sæpè optat sibi noxia, ut honores, voluptates, diuitias, quæ non tenetur optare proximo. Ergo falsum est, Deum velle, ut quæ quisque sibi optat, optet etiam proximo. Respondeo. Nos hic agimus de eo, qui ex vera charitate diligit seipsum: non de eo, qui seruit suis cupiditatibus, & concupiscentiis. Vide Maldonatum in cap. 22. Matth. v. 39.

C A P V T V.

De Lege Mosaica.

Ex Mosaica triplex est, *Moralis*, *Ceremonialis*, & *Iudicialis*. *Moralis* summatim continetur in Decalogo. Et duo potissimum præcipit; cultum Dei, & iustitiā cum proximo. *Ceremonialis* speciatim determinat, quibus ritibus ac ceremoniis

De lege Mosaica.

ceremoniis colendus sit Deus. *Iudicialis*, quibus modis iustitia cum proximo seruanda. Itaque trilicia sunt præcepta Mosaica, de quibus Deuter.

5.31. *Loquar tibi omnia mandata mea, & ceremonias arque iudicia*. Et cap. 6.1. *Hæc sunt præcepta & ceremoniae atque iudicia, qua mandauit Dominus Deus vester, ut dicerem vos*. Vide D. Thom. in 1.2. quæst. 99. & sequentib.

2. Hoc posito, multa possunt disputari. 1. An lex Mosaica fuerit bona. 2. An utilis. 3. An perfecta & sufficiens ad salutem. 4. An à Deo data. 5. Vbi, quando & quomodo data. 6. An obligauerit solos Iudeos. 7. Quam arcte obligauerit. 8. An nunc penitus abrogata sit. 9. An in eius locum successerit lex Euangelica, & quæ illa sit.

*Q V A E S T I O I.**An lex Mosaica fuerit bona?*

1. **M**anichæi, teste Augustino, (in lib. contra Adimantum, & lib. 22. contra Faustum) docuerunt, fuisse malam & iniustam. Primo, quia concessit usurā & libellum repudij, quæ mala & iniusta sunt. (Deuter. 33. & 34.) Secundo, quia fuit tyrannica, ut patet ex illo Exod. 21. 24. *Oculum pro oculo, dentem pro dente, manum pro manu, pedem pro pede*. Tertiò fuit intolerabilis, & obseruatu impossibilis. Act. 15.10. *Quid tentatis Deum, imponere iugum super cœrueces discipulorum, quod neque Patres nostri, neque nos portare posuimus?* Hinc sæpe reprehenditur in Scripturis, Ezech. 20. 25. *Ego dedi eis præcepta nō bona, & iudicia, in quibus*

non vivent. Et Roman. 4.15. Lex iram operatur. Et Rom. 5. 20. Lex subintravit, ut abundaret delictum. Et Rom. 7. 8. Sine lege peccatum mortuum erit: sed cum venisse mandatum, peccatum reuixit. Et Hebr. 8. 7. Si prius testamentum culpa vacasset, non usque secundi locus inquireretur.

2. Respondeo. Lex Mosaïca fuit bona, iusta, sancta, ut patet ex illo Rom. 7.22. *Lex qui tem sancta, & mandatum sanctum, & iustum, & bonum. Vbi mandatum legis Mosaïcæ dicitur sanctum, propter præcepta ceremonialia: iustum, propter iudicia: bonum, propter moralia, ut notat D. Thomas quæst. 99. art. 4.* Et ratio est, quia Deus fuit auctor illius legis, ut postea demonstrabo. At Deus non potest esse author malæ & iniustæ legis; quia, ut inquit Iob cap. 36. 22. *Nullus ei similis est in legi: si ueribus.* Et ut habetur Proverb. 8. 15. *Per illum Reges regnani, & legum conditores iusta decernunt.*

3. Ad argumenta Manichæorū sic respondeo. Ad 1. Libellus repudij & vñsura, si spectentur e modo, quo Iudæis concessa sunt, non sunt mala, sed licita, ut infra suo loco probandum est. Ad 2. Lex Mosaïca, præsertim iudicialis, non quidem fuit tyrannica, sed tamen seruilis, & accommodata statui Iudæorum. Sicut enim Christiani sunt in statu filiorum ac libertatis; sic Iudæi erant in statu timoris ac seruitutis. Debebant igitur metu pœnarum à peccatis absterreri. Quod spectat illud Deut. 19.20. *Vi audientes ceteri timorem habeant, & nequam talia iudeam facere.* Ad 3. Fuit quidem difficultis obseruatu, non tamen impossibilis. Fuit autem difficultis, si conferatur cum lege Euangelica, quæ est facillima. Rationem huius discriminis iam inī

insinuauit. Nam Lex Mosaïca data fuit Iudæis, qui erant serui: Lex Euangelica data est Christianis, qui sunt filii: seruorum autem conditio difficilior est quam filiorum. Testimonia Scripturæ quam ultimo loco adducebantur, nihil aliud probant, quam quod dicturus sum in 3. quæst. nempe legem Mosaïcam fuisse imperficiam, & non potuisse quenquam liberare à peccato.

QVÆSTI O II.

An Lex Mosaïca fuerit utilis?

1. Respondeo. Ad multa fuit utilis. Hoc insinuat Apostolus ad Gal. 3.24. cùm ait: *Lex pædagogus noster fuit in Christo: vel, ut Græcè est, ad Christum.* Constat autem, pædagogum ad multa utilem esse, respectu puerorum, quos habet sub sua disciplina ac potestate. Nam primò ostendit illis, in quo peccant, ut emendentur. Secundò, coerget illos metu virgatum, ne in posterum peccant. Tertiò, docet illos prima rudimenta Grammaticalia, & sic paulatim disponit ac præparat ad altiora studia capessenda.

2. Hæc omnia, seruata proportione, præstabilit Lex Mosaïca, respectu Iudæorum, qui veluti pueri, subiacebant legi, rāquam suo pædagogo. Ac primò ostendebat illis, in quo peccarent, ut testatur Apostolus Roman. 3. 20. *Per legem cognitio peccati.* Nam sicut pueri, antequam detur illis pædagogus, sæpè delinquunt; & propter ignorantiam, non aduerrunt se delinquere: ita homines antequam daretur illis lex scripta, sæpè pecca-

G 2 bant,

bant, & propter cætitatem cordis non sciebant se peccare. Roman. 1.12. *Obscuratum est insipiens cor eorum.* At post legem datam, cœperunt agnoscere sua peccata. Roman. 7. vers. 7. *Peccatum non cognoui, nisi per legem. Nam concupiscentiam nesciebam, nisi lex diceret: Non concupisces.* Hæc autem cognitio erat necessaria via ad suscipiendum Christum. Cùm enim Christus in Euangilio dicatur venisse ad delenda peccata; certè si Iudæi non cognouissent, se esse peccatores; non vtique Christum suscepissent.

3. Secundò, Lex Mosaica coërcebat Iudæos metu pœnarum, ut in posterum à peccato abstinerent. Huc spectant omnia præcepta pœnalia, terrores, & comminationes, quæ à lege intentantur. Exod. 21. 15. *Qui percusserit patrem suum aut matrem, morte moriatur.* Et vers. 24. *Oculum pro oculo, dentem pro dente, manum pro manu, pedem pro pede.* Et alibi sæpius.

4. Tertiò, Lex Mosaica docebat Iudæos prima rudimenta fidei Christianæ, & sic disponebat & præparabat illos ad perfectam Christi cognitionem, suo tempore capessendam. Proponebat illis umbras, figuræ, inuolucra, sub quibus Christus abscōdebatur. Proponebat, inquam, cruenta animalium sacrificia, ut inde assurgerent ad inuestigandum cruentum sacrificium in Cruce. Proponebat circumcisionem, figuram Baptismi: purificationes, figuram pœnitentiae: Agnum paschalem, figuram Eucharistie: Aeneum serpenteum, figuram Christi, & sic deinceps.

Q V E

QVÆSTIO III.

An lex Mosaica fuerit perfecta & sufficiens ad salutem?

1. R espondeo: Non fuit. Hebr. 7.19. *Nihil ad perfectum adduxit lex.* Et ratio est, quia non conferebat gratiam, quam confert lex Euangelica. Ioan. 1.17. *Lex per Moysen data est; gratia & veritas per Iesum Christum facta est.* Hoc sensu Apostolus ceremonias legis Mosaicæ vocat *infirma & egena elementa.* (Galat. 4.9.) Et cum alibi dicit: *Legem Mosiacam non vacasse culpa, intelligendum est, non vacasse imperfectione, seu fuisse imperfectionam* (Hebr. 8.7.) Eodem sensu multi interpretantur illud Ezech. 20. 25. *Dedi eis præcepta non bona, id est, imperfecta: Et iudicia, in quibus non vivent, id est, non sufficientia ad vitam spiritualem.*

2. Hinc sumitur differentia inter legem Mosiacam, & Euāgelicam. Nam Mosaica dirigebat quidem Iudæos, præscribendo & ostendendo, quid agendum aut omittendum esset, non tamen præbebat vires & gratiam, quâ legis præcepta impletentur, Euangelica vtrumque facit. Docet enim quid facere & omittere debeamus; & præterea confert gratiam, quæ nos iuuat & corroborat, ut possimus exequi, quod præscriptum est.

3. Hanc differentiam pulchrè explicat Augustinus in lib. de spiritu & litera, cap. 13. Et passim contra Pelagianos, in hunc ferè modum. 1. Lex vetus continet præceptum; Lex noua auxilium. 2. Lex vetus dat lucem, ut sciamus: Lex noua dat

G 3 virtu

virtutem, ut faciamus. 3. In lege veteri dicit Dominus: Fac quæ iubeo. In noua nos dicimus: Da quod iubes. 4. Lex vetus prescribit multas externas ceremonias: noua dirigit internas actiones.

4. Ex qua iterum oritur alia differentia. Nam lex vetus, seu Mosaica, non poterat per se prodesse homini ad salutem, quia id sine gratia fieri non potest. At noua, seu Euangelica, per se sufficiens est ad hunc effectum. Et hoc est, quod toties inculcat Apostolus in Epistola ad Romanos & Galatas, neminem iustificari ex operibus legis, sed ex fide in Christum. Quo etiam spectat illud 2. Corinth. 3. 6. *Littera occidit, spiritus autem vivificat.* Nam reuera lex Mosaica, præter externam litteram, nihil confert. Externa autem littera minatur mortem, nisi legem obserues: Neque tamen dat subsidium gratiæ, quo adiutus, obseruare possis. Hoc subsidium à noua lege petendum est, quæ præter externam litteram præcipientem, præbet internum spiritum corroborantem, & adiuuantem, qui vitæ spiritualis principium est.

5. Dices: Quomodo ergo Sancti veteris Testamenti, qui vixerunt sub lege Mosaica, iustificati sunt? Respondeo. Non sunt iustificati ex lege Mosaica, quam habebat præsentem, sed ex Euangelica, quæ tametsi præfens non esset, tamen virtus illius per quandam anticipationem, ad eos usque porrigebatur. Quomodo hoc? Quia credebant in venturum C H R I S T U M, qui per sua merita, tunc quidem nondum exhibita, sed tamen suo tempore exhibenda, conferebat illis gratiam iustificantem, per quam poterant à peccatis libe-

rati,

rati, & in adoptionem filiorum Dei transire. Vide D. Thomam in prima secundæ, quæst. 98. artic. 2. ad 4.

Q V A E S T I O I V.

An Lex Mosaica fuerit à Deo data?

1. **S**icut Manichæi, ut supra dixi, negarunt Legem Mosaicam fuisse bonam; sic consequenter affirmarunt, non à Deo, sed à Diabolo datum esse, ut refert Augustinus partim locis supera citatis, partim in duobus libris contra aduersarium Legis & Prophetarum; & in libro de hæresib. cap. 46. vbi ponit hoc eorum dogma: *Deum, qui Legem per Moysen dedit, & in Hebreis Prophetis locutus est, non esse verum Deum, sed unum ex principiis tenebrarum.*

2. Respondeo. Idem est author Mosaicæ & Euangelicæ Legis, nempe Deus & Pater Domini nostri Iesu Christi. Ita Concil. Trident. sess. 4. Et aperte colligitur ex Scriptura. Nam Christus Matthæi 15. 6. loquens de Lege Mosaica, appellat mandatum Dei, cùm ait: *Irruum fecisti mandatum Dei, propter Traditiones vestras.* Et Apostolus non semel affirmat, Patrem Christi fuisse authorem Veteris Testamenti, ut Roman. 1. 1. Paulus Apostolus segregatus in Euangeliū Dei, quod ante i promiserat per Prophetas suos in Scripturis sanctis de Filio suo. Et Hebr. 1. 1. *Mulieriam multisq; modis olim Deus loquens Patribus in Prophetis, nouissimè diebus istis locutus est nobis in Filio.*

G 4 3. Et

3. Et probatur ratione D. Thomæ in 1.2. quæst. 98. artic. 2. Quia eiusdem est proponere finem, & disponere media ad finem: Sed lex Euangelica est finis legis Mosaicæ, iuxta illud Romanor. 10.

4. Finis legis est Christus. Ergo idem Deus, qui est author legis Euangelicæ, est etiam author legis Mosaicæ. Et confirmatur hæc ratio, quia author legis Mosaicæ hoc potissimum spectauit, ut per illam legem deduceret homines ad Christum. Quod duobus modis præstítit. Primò, per vaticinia Prophetarum, qui multa de Christo prædixerunt. Secundò, per sacrificia Mosaica, quæ erat figuræ mortis Christi. At diabolus non conatur homines hoc modo perducere ad Christum, sed potius ab illo abstrahere: Ergo ipse nō est author legis Mosaicæ.

4. Dices primò: Opera Dei sunt perfecta, ut habetur Deuter. 32. 4. At lex Mosaica non est perfecta, ut quæst. præcedente dictum est: Ergo Deus non est author legis Mosaicæ. Respondeo. Maior potest dupliciter intelligi. 1. Opera Dei sunt perfecta, id est, vnumquodque opus Dei tale est, cui absolutè nihil desit. Sic falsa est. 2. Opera Dei sunt perfecta, id est, vnumquodque opus Dei tale est, cui in suo genere nihil desit. Sic vera est. Iam applico. Lex Mosaica non est absolutè perfecta, quia deest illi aliquid, quod habet lex Euangelica, nimirum virtus & efficacia iustificandi. Est tamen perfecta in suo genere, quia cùm ex suo genere debeat esse vmbra, seu figura legis Euangelicæ; in eo genere nihil illi deest. Vide D. Tho. loco citato ad 1.

5. Dices 2. Scriptura ait: Legem Mosaicam ab Angelis

Angelis daram esse. Galat. 3. 19. Lex propter transgressiones posita est, ordinata per Angelos in manu Mediatores. Et Act. 7. 53. Accepistis legem in dispensatione Angelorum. Respondeo. Lex Mosaica tribuitur Deo, Angelis, & Moysi; sed diuerso modo. Nam Deus fuit author illius legis; Angeli promulgarunt illā Moysi, Moyses populo. Simile est de lege Euangelica. Deus fuit illius author: Christus, qua homo, promulgavit illam Apostolis; Apostoli, toti mundo.

Quæstio V.

Vbi, quando, & quomodo data fuerit
lex Mosaica.

1. Tria queruntur: Primò, vbi data sit? Respondeo. Data est in monte Sinai, ut patet ex illo Leuit. 26. 45. Hæc sunt iudicia atque precepta, & leges, quas dedit Dominus inter se, & filios Israël in monte Sinai per manum Moysi. Hoc tamen interest, quod lex Decalogi data sit in ipso monte (Exodi 19. & 20.) At lex ceremonialis & iudicialis in tabernaculo ad radicem montis. (Leuit. 1. 1.)

2. Quæritur 2. Quando data sit? Respondeo. Lex Decalogi data est die quinquagesimo ab egressu filiorum Israël ex Ægypto, id est, in Pentecoste. Nam tertio die mensis tertij venerunt ad montem Sinai, iuxta illud Exod. 19. 1. Mensē tertio egressionis Israël de terra Ægypti, in die hac venerunt in solitudinem Sinai. Vbi illa particula, in die hac, significat, in die eiusdem numeri cum mense tertio, nempe tertio die mensis tertij. Rursum, tertio die post aduentum data est lex. (ibid. v. 11.) Tertius

G 5 autem

autem dies post aduentum, fuit sextus dies mensis tertij. At lex ceremonialis & iudicialis postea data est: Non quidem uno die, sicut lex Decalogi, sed successuè per varios dies, ut patet Leuitici nono, versu primo, Leuit. 16. vers. 1. & alibi.

3. Queritur 3. Quomodo data sit? Respondeo. Iudæi, antequam daretur ipsis lex Decalogi, iubebantur se sanctificare, & præparare per duos dies, ut tertio die cum debita reverentia legem acciperent. Hæc autem sanctificatio & præparatio consistebat in tribus. Primo, ut abstinerent ab uxoribus. Secundo, ut lauarent vestimenta sua. Tertio, ut non ascenderent in montem Sion: Ac ne quidem attingerent illum, tanquam curiosi scrutatores præsentiae & maiestatis Dei; sed potius ex reverentia diuini Numinis, continerent se in castris; alioqui morte puniendi essent. (Exod. 19. vers. 10. & sequentib.)

4. Finita sanctificatione, cùm adesset tertius dies, quo lex Decalogi esset promulganda, sex terribilia signa contigerunt in monte Sinai. 1. Totus mons ardebat igne. 2. Totus fumabat, quia ex igne, tanquam ex fornace, ascendebat fumus. 3. Nubes densissima montem operiebat. 4. Audiebantur tonitrua. 5. Micabant fulgura. 6. Clanger tubæ, seu buccinæ perstrepebat. (Exodi 19. 16. & sequentib. Et Hebræor. 12. 18.) Tum demum Angelus tubali & horribili voce Decalogum proclamabat. (Exodi 20. 1.) ut posset exaudiri à toto populo circumstante, id est, à tribus hominum millionibus qui tunc adeant in circuitu montis.

5. Nota, duplēcēt fuisse sonū buccinæ. Vnum confusum, quo populus euocabatur ex remotioribus

ribus castrorum partibus, vt veniret ad radicem montis in circuitu, & ibi legem Decalogi paulò post promulgandam audiret. Alterum distinctum & articulatum, quo Angelus in ipso monte existens, & Dei personam gerens, populo ad radicem montis iam collecto, Decalogum promulgabat. Qualis autem fuerit illa buccina, disputant Interpretes. Iudæi fabulâtur fuisse cornu illius arietis, qui ab Abrahamo pro Isaac fuit immolatus. (Genes. 22. v. 13.) Nostrî docent, fuisse aëream, non corneam: Et Angelum per collisionem aëris edidisse talēm sonum, qualis ab inflata buccina vel tuba prodire solet. Vide Cornelium in cap. 19. Exodi.

6. Hæc omnia, quæ iam recensi, fuerunt figuræ seu umbræ eorum, quæ postea in promulgatione legis Euāgelicæ facta sunt. Nam primo, sicut lex Mosaica promulgata est die quinquagesimo post Pascha, id est, in Pentecoste; sic etiā lex Euāgeliæ (Acto. 2. 1.) Secundò, sicut illa in monte Sinai, ita hæc in monte Sion. (Isa. 2. 3. De Sion exhibet lex, & verbum Domini de Hierusalem.) Tertiò, sicut ibi auditæ sunt tonitrua & fulgura; ita hic factus est repente de calo sonus, tanquam aduenientis spiritus vehemenz. (Act. 2. 1.) Quartò, sicut ibi apparuit ignis & fumus; ita hic disperita lingua, tanquam ignis. (Ibid. vers. 3.) Quintò, sicut ibi timore perculti sunt Iudæi; ita hic Apostoli repleti sunt Spiritu sancto. (Ibid. v. 4.) Sextò, sicut Angelus clagore buccinæ verba Decalogi perstrepebat: ita hic tuba Euāgeliæ Apostolorū ore infonuit. (Ibid.) Videatur D. Hieronymus ad Fabiolam, Beda in Homilia Vigiliæ Pentec. Cornel. in cap. 19. Exod.

Qvæ

QVÆSTIO VI.

*An lex Mosaica obligauerit solos
Iudeos?*

1. Distinguendum est. Nam lex Mosaica, ut supra dixi, fuit triplex; Moralis, Ceremonialis, & Judicialis. Igitur Moralis non solum Iudeos, sed etiam gentiles obligabat. Nota. Lex Moralis tripliciter spectari potest. 1. Nude secundum se. Sic semper obligauit Gentiles. 2. Quatenus habet annexas minas, terrores, & pœnas temporales à Moysi conscriptas. Sic obligabat solos Iudeos. 3. Quatenus habet annexam gratiam Euangelij. Sic obligat Christianos.

2. Lex Ceremonialis & Judicialis obligabat solos Iudeos; quia solis Iudeis fuit promulgata, ut patet Exod. 19. & sequentib. Quo etiam spectat illud Deuter. 4. 8. *Quæ est alia gens sic inclita, ut habeat ceremonias, iusta que iudicia, & uniuersam legem?* Et Psal. 147. 10. *Non fecit taliter omni nationi, & iudicia sua non manifestauit eis.* Et Rom. 3. 1. *Quid ergo amplius Iudeo est? multum per omnem modum.* Primum quidem, quia credita sunt illis eloquia Dei. Et Rom. 9. v. 4. *Quorum adoptio est filiorum, & gloria, & testamentum, & legislatio.* Ex quibus testimonii duo colliguntur. 1. Legem fuisse datam soli populo Iudeorum. 2. Fuisse quandam prærogatiuam illius populi, quod ipsi soli data fit.

3. Dices: Non videtur fuisse prærogatiua, sed onus. Nam difficile fuit seruare legem ceremonialem & iudicalem. Nec Iudei poterant saluari,

nisi

De lege Mosaica.

89

nisi illam seruarent: Gentiles sine isto onere saluari poterant. Respondeo. Fuit simul onus, & prærogatiua. Onus, propter causam allatam. Prærogatiua, quia Iudei per illud onus magis erat Deo coniuncti & cœsecrati, quam Gentiles sine illo onere. Nam ratione legis, habebant Sacerdotium, sacrificia, sacramenta, & promissionem venturi Christi: Quæ omnia faciebant illos meliore conditione, quam Gentiles, qui ista nō habebant. Et hoc colligitur ex Scripturis citatis. Simile est de Clericis & Religiosis, qui tametsi plus oneris in se suscipiant, & ad plura obligentur, quam laici; sunt tamen meliori conditione, quia Deo magis coniunguntur & consecrantur; quæ magna prærogatiua est. Vide D. Thomam quæst. 89. artic. 5. ad 3.

4. Quæres 1. An hoc factum sit propter merita Iudeorum, quod ipsis solis data sit lex, & non aliis? Respondeo. Non propter ipsorum merita, sed propter promissionem Dei, quæ Abrahæ facta est. Deus enim promiserat Abrahæ, quod ex ipsius semine, & posteritate nasciturus esset Christus (Genes. 22. 18. & Galat. 3. 16.) Itaque propter hanc promissionem, voluit populū illum, ex quo Christus erat nasciturus, peculiari quodam modo ab aliis distinguere, dando illi legem, Prophetas, sacrificia, & alia specialia ornamenta, quibus cæteras nationes antecelleret, & Deo magis consecratetur, iuxta illud Exodi 19. vers. 5. *Eritis mihi in peculium de cunctis populis.* Et ratio est, quia lex, Prophetæ, & sacrificia, tanquam figuræ quædam ordinabantur ad Christum venturum: Ergo quibus promissus erat Christus, illis danda erat lex, Prophetæ, & sacrificia.

5. Quæ

5. Quæres 2. An gentiles in nullo casu fuerint obligati ad obseruationem legis Mosaïcæ? Respondeo. Tunc erant obligati, quando volebant se aggregare populo Iudæorum, & illorum Religio nem amplecti, vt patet ex illo Exodi duodecimo vers. quadragesimo octauo. *Si quis peregrinorum in vestram voluntu transire coloniam, & facere Pascham Domini; circumcidetur prius omne masculinum eus, & tunc ritè celebrabit, erique sicut indigena terra.*

Dices: Hinc solum colligitur, quod Gentiles, accepta circumcisione, potuerint celebrare Pascha cum Iudeis; non autem, quod fuerint obligati. Respondeo. Vtrumque colligitur. Nam circumcisione perinde se habebat in Veteri Testamento, sicut se habet Baptismus in nouo. Vnde sicut omnes baptizati obligantur ad legem Euangelicam; ita omnes circumcisæ obligabantur ad Mosaïcam. Quod confirmat Apostolus, cùm ait Gal. 5.1. *Testificor omni homini circumcidenti se, quoniam debitor est uniuersa legis facienda.*

6. Quæres 3. An lex Mosaïca (nempe Ceremonialis & Iudicialis) nullo modo pertinuerit ad Christianos? Respondeo. Sicut pertinuit ad Iudeos, quoad obligationem & obseruationem; sic etiam pertinuit ad nos quoad significationem. Erat enim figura quædam eorum, quæ per Christum adimplera sunt. Ita Augustinus lib. 19. contra Faustum, cap. 7. & sequentibus. Et colligitur ex illo generali principio. 1. Cor. 10. 6. *Hæc autem in figura facta sumi nostri. Et Hebr. 10. 1. V' imbram lex habens futurorum bonorum.*

QVÆSTIO VII.

Quam strictè Iudeos Lex Mosaïca obligauerit?

1. Respondeo. Obligauit strictissimè, vt patet Rex illo Psalm. 1. 8. 4. *Tu mandasti mandata tua custodiri nimis. Quod confirmari potest ex duplice capite. 1. Ex benedictionibus, quas Deus promisit seruantibus legē. 2. Ex maledictionibus, quas comminatus est transgressoribus. Vtraque habentur Leuit. 26. & Deut. 28. Aliquas ex iis recensebo.*

2. Benedictiones sunt hæc: *Si in præcepitis meis ambulaueritis, & mandata mea custodieritis.* 1. Dabo vobis pluuias temporibus suis. 2. Terra gignet ger men suum. 3. Pomis arbores replebuntur. 4. Apprehendet messium tritura vindemiam, & vindemia occupabit sementem. 5. Comedetis panem vestrum in saturitate. 6. Dabo pacem in finibus vestris: & non erit, qui exterreat. 7. Auferam malas bestias. 8. Persequemini inimicos vestros, & corrue nt coram vobis. 9. Persequentur quinque de vestris, centum alienos: & centum de vobis, decem millia. 10. Crescere vos faciam, & multiplicabimi. 11. Comedetis vetustissima veterum; & vetera, nouis superuenientibus, proiicietis. 12. Ponam tabernaculum meum in medio vestri: ambulabo inter vos, & ero Deus vester; vosque eritis populus meus. (Leuit. 26.)

3. Nunc sequuntur maledictiones. *Si non faciatis ea, quæ i me constituta sunt.* 1. Visitabo vos in egestate & ardore. 2. Frustra seretis sementem, quæ ab hostibus

hostibus deuorabitur. 3. Ponam faciem meam contra vos:& corruetis coram hostibus vestris:& subiiciemini his, qui oderunt vos:& fugietis, nomine persequente. 4. Dabo vobis cælum desuper, sicut ferrum , & terram æneam. 5. Immittam in vos bestias agri, quæ consumant vos & pecora vestra. 6. Inducam super vos gladium ultorem fœderis mei. 7. Mittam pestilentiam in medio vestri. 8. Cadetis inter ruinas idolorum vestrorum. Et quæ sequuntur (Leuit.26.) His addantur benedictiones & maledictiones , quæ habentur Deuteronomio.28.

4. Hinc constat, falsum esse , quod aliqui docent : Legem Dei obseruatu esse impossibilem. Nam si seruari non posset, cur Deus seruantibus promitteret benedictiones ? cur transgressoribus minaretur tot maledictiones? Hoc posterius esset tyrannicum: illud prius, inane ac superuacaneum. Si enim lex seruari non potest, inane ac superuacaneum est dicere. Si seruaueris legem, dabo tibi multa bona. Et tyrannicum est dicere: Puniam te multis calamitatibus, si non seruaueris. Vtrumque absit à Dei bonitate.

QVÆSTIO VIII.

An lex Mosaica nunc penitus abrogata sit?

1. **R**espondeo: Abrogata est, quoad præcepta Ceremonialia & Iudicialia ; non tamen quoad moralia quæ in Decalogo continentur, quatenus illa sunt juris naturalis. Prior pars patet ex Scripturis, Luc.16.16. Lex & Prophetarvsg ad Ioannem.

nem. Et Gal.3.24. Lex pædagogus noster fuit in Christo. At ubi venit fides , iam non sumus sub pædagogo. Et Hebr.7.12. Translato Sacerdotio, necesse est ut ex Legi translatio fiat.

2. Est autem abrogata propter has causas. Primo, quia erat imperfecta(Heb.7.18) Secundò, erat graue iugum , quod Iudei vix poterant portare (Act.15.10.) Tertiò, continebat figuræ, quæ per Christum impletæ sunt(August.lib.19.contra Faustum , cap.13.) Quartò, sicut maius lumen offuscat minus, ita lumen Euagelij, & soli iustitiae Christus, offuscavit ceremonias legales, vt notat D.Hieronymus in Com.cap.4.ad Galat. Huc spectat illud Theodoreti ad Philip.3. Superuacaneus est lynchus, si sol apparet. Et illud Bernardi Hom.1. super Missus est : Prodeunte fructu, flos decidit. Quintò, Christus, teste Apostolo(Ephes.2.14.) fecit virum unum, id est, ex duobus populis, Ethnico & Iudeo, fecit unum ouile; ac proinde debuit dissoluere medium parietem Legis Mosaicæ , qui separabat unum populum ab alio; & ambos una eadē inque lege Euangelica concludere.

3. Dices, Scriptura docet Legem Mosaicam duraturam in æternum, vt Baruch.4.v.1. *Hic liber mandatorum Dei, & lex quæ est in æternum.* Respondeo. Lex Mosaicæ duobus modis dici potest æterna. Primo, quoad præcepta moralia, quæ adhuc durant. Secundò, quoad ceremonialia, quæ quidem abrogata sunt, quoad significationem, tamen adhuc durat, quoad rem significatam. Ita D.Thomas quæst.103.art.3.ad 1.

4. Posterior pars probatur, quia ratio naturalis dictat præcepta Decalogi , quatenus sunt iuris

naturalis, seruanda esse. Dico, quatenus sunt iuris naturalis propter duas caussas. 1. Propter obseruationem Sabbathi, quæ non erat iuris naturalis, & ideo abrogata est. 2. Propter minas & terrores, quæ annexa erat præceptis Decalogi, respectu eorum, qui ea non obseruarent. Hæc etiam abrogata sunt, quia similiter non erant iuris naturalis, sed postitiui.

Q V A E S T I O I X .

An in locum Legis Mosaicae successerit Lex Euangelica, & quæ illa sit?

1. C **H**ristus instituit nouam legem, quæ Euangelica appellari solet, ad Christianos pertinentem; ideoq; non solum Redemptor, sed etiam Legislator dicendus est, iuxta illud Isaïæ 33.22. *Dominus Iudex noster, Dominus legifer noster, Dominus Rex noster, ipse saluabit nos.* Et in Euangeliō passim loquitur de sua lege. Ioan. 14.15. *Mandata mea seruare.* Ioan. 15.10. *Si præcepta mea seruueritis, manebitis in dilectione mea.* Matt. 28. vers. 19. *Docete eos seruare omnia, quæcumq; mandaui vobis.* Et Apostolus 1. Cor. 7.16. *Ils autem, qui matrimonio unclisi sunt, præcipio non ego, sed Dominus, uxorem à viro non discedere.* Et 1. Cor. 9. vers. 21. *Illis qui sine lege erant, factus sum tanquam sine lege essem, cum sine lege Dei non essem, sed in lege essem Christi.* Et Hebr. 2. confert inter se Christū & Moysen, tanquam duos legislatores, alterum veteris, alterum noui Testamenti: & ait si transgredores legis à Moysē datæ puniti sunt; multò magis transgressores legis à Christo latæ puniendos esse.

2. lex

2. Lex Euangelica, quæ à Christo data est, continet triplicia præcepta, nempe moralia, sacramentalia, & fidei. De moralibus constat Matth. 5. 6. & 7. vbi Christus explicat & perficit præcepta Decalogi, quæ propriè ad mores pertinent. Et Matth. 19. 6. Vbi prohibet diuortium & libellum repudij; ac decernit, ut vinculum matrimonij deinceps non dissoluatur. De sacramentalibus patet ex illo Ioan. 3. 4. *Nisi quis renatus fuerit ex aqua & Spiritu sancto, non potest introire in regnum Dei.* Et Ioan. 6. 53. *Nisi manducaveritis carnem filii hominis, & biberitis eius sanguinem, non habebitis vitam in vobis.* Denique de præcepto fidei, ex illo Marci 16.16. *Qui crediderit & baptizatus fuerit, saluus erit; qui vero non crediderit, condemnabitur.* Et Ioan. 8. 24. *Si non credideritis, quia ego sum, morienni in peccato vestro.*

3. Hoc tamen interest inter hæc triplicia præcepta, quod Sacramentalia sint verè & propriè à Christo instituta; reliqua non tam instituta, quam aucta vel explicata. Et quidem moralia, cùm sint iuris naturalis, non egebant institutione, sed explicatione. Præceptum autem fidei, aliquo modo auctum est. Nam Christi Nativitas, Passio, Mors, & reliqua mysteria, quæ à Iudeis implicitè & obscurè credebantur, iam expressè & distinctè creduntur à Christianis.

4. Obiici potest illud Ioann. 1.17. *Lex per Moysen data est, gratia & veritas per Christum facta est.* Hinc etiam videtur colligi, Moysen fuisse legislatorem, non autem Christum.

Respondeo, hoc posterius perperam inde colligitur. Nam sensus illorum verborū est hic: Moses

H 2 dedit

dedit Iudeis nudam legē sine gratia, id est, legem præcipientem, sed non iuuantem. Christus dedit vobis legem cum gratia, id est, legem præcipientem & iuuantem. Hinc sit, ut lex Mosis, quia tantum præcipiebat, & non iuuabat, retinuerit nomen legis: lex vero Christi, quia pauca præcipit, & plurimum gratiae confert, obtineat nomen gratiae, ab effectu magis principaliter. Eadem ob causam vocatur a Christo, *ingum suave, & onus leue*: & ab Apostolo, *Lex spiritus vita*. Rom. 8.2. Vide Augustinum in libro de spiritu & littera.

5. Quæres, An lex Euangelica nos obliget ad sui obseruationem? Caluinistæ tria docent. Primo, præcepta moralia, seu Decalogi, non posse a nobis seruari, ac proinde CHRISTVM liberasse nos ab eorum obseruatione, iuxta illud Apostoli ad Gal. 3.13. *Christus nos redemit de maledicto legis*. Fundamentum est, quia putant peccatum originale manere in nobis, quamdiu in hac vita sumus; ideoque omnia nostra opera, quibus conamur legem Decalogi implere, vitiata & inquinata esse, propter contagionem peccati originalis: per eiusmodi autem opera legi satisfieri non posse; atque hoc sensu legem seruatu impossibilem esse.

6. Secundò docent, Baptismum & alia Sacra menta non esse absolutè necessaria ad salutem; & ideo præcepta sacramentalia non obligare Christianos. Fundamentum est, quia putant solum fidem iustificare, & Sacra menta solum adhiberi ad excitandam & nutriendam fidem: ac proinde esse quidem utilia, non tamen necessaria, præsertim cum sine Sacramentis fides excitari & nutrita possit per verbum Dei.

7. Ter

7. Tertiò docent, præceptum fidei obligare omnes mortales, & hoc solum præceptum sufficere ac necessarium esse ad salutem, iuxta illud Roman. 1.17. *Iustus ex fide vivit*. Et Lucæ 8.50. *Crede tantum, & salua erit*. Ex his omnibus concludunt, libertatem Christianam, seu Euangelicam in eo consistere, quod simus liberi ab obseruatione legis: & sic interpretantur illud 1. Timoth. 1.9. *In isto non est lex posita*. Hæc tria Caluinistarum puncta damnata sunt in Concilio Tridentino sess. 6. Canonice 18. & sequentib. Et iam paucis refutanda per totidem conclusiones.

8. Dico 1. Præcepta Decalogi possunt seruari ab iis, qui operantur ex gratia Dei; neque Christus ab eorum obseruatione nos liberauit. Prior pars probatur 1. manifestis Scripturæ testimoniis. Psa. 118.32. *Viam mandatorum tuorum cucurri, cum dilatasti cor meum*. Ezech. 36.27. *Spiritum meum ponam in medio vestri, & faciam ut in præceptis meis ambuletis*, & iudicia mea custodiatis. Matth. 21.30. *Iugum meum suave est, & onus meum leue*. Primo Ioan. 5.3. *Hac enim Charitas Dei, ut mandata eius custodiamus, & mandata eius grauia non sunt*. Quid clarius? Accedunt exempla eorū, qui in Scripturis narrantur legem seruasse. Seruavit illam David, iuxta illud 3. Reg. 14.8. *Non fuisti sicut seruus meus David, qui custodivit mandata mea, & fecutus es me in toto corde suo, faciens quod placitum esset in conspectu meo*. Seruavit Zacharias & Elizabeth, Lucæ 1.6. Erant ambo iusti ante Deum, incedentes in omnibus mandatis & iustificationibus Domini sine querela. Seruavit adolescentis Euangelicus, Matth. 19.20. *Omnia hæc custodi in à innueniente mea*. Plura de hac re inuenies in

H 3 opuscula

opusculo nostro de iustitia bonorum opertum secundum Caluinistas cap. 2. Vbi etiam obiectiones Caluinistarum solutæ sunt.

9. Posterior pars conclusionis, quod scilicet Christus non liberauerit nos ab obseruatione præceptorum Decalogi, patet ex Euangeliō & Apostolis. Ac primum ex verbis Christi Matth. 5. 18. *Non veni soluere legem, sed adimplere.* Matt. 7. 10. *Omnis arbor, qua non facit fructum bonum, excideatur, & in ignem mittetur.* Matth. 19. 17. *Si vis ad vitam ingredi, serua mandata.* Deinde ex verbis Apostoli Iacobi 2. 8. *Si tamen legem perficiis regalem secundum Scripturas, Diliges proximum tuum sicut ipsum; bene facis: si autem personas accipitis, peccatum operamini, redarguti a lege, quasi transgressores.* Qu. cunque autem totam legem seruauerit, offendat autem in uno, factus est omnium reus. Vide plura apud Bellarminum lib. 4. de Iustificatione cap. 2. & sequentibus.

10. Fundamentum Caluinistarum, de peccato originali in nobis manente, falsum est, & prolixè refutatum in Opusculo nostro de Authore peccati c. 4. Illud porro, *Christus redemit nos de maledicto legis,* non sic debet intelligi, quasi Christus voluerit nos esse liberos ab obligatione & obseruatione legis, ut fingunt Caluinistæ (hoc enim falsum est, ut iam ostendi) sed quod dederit nobis gratiam, qua possumus legem implere, & maledictionem, qua legis transgressoribus constituta est, evitare.

11. Dico 2. Præcepta Sacramētalia de Baptismo & Eucharistia etiam nos obligant, nec sine eorum obseruatione salutem consequi valemus. Hoc manifestè patet ex illo Ioan. 3. 5. *Nisi quis renatus fuerit ex aqua & Spiritu sancto, non potest introire in regnum*

Dei

Dei. Et Ioan. 6. 43. *Nisi manducaueritis carnem filij hominis, & biberitis eius sanguinem, non habebitis vitam in vobis.* Quomodo autem hæc duo præcepta intelligenda sint, & an obligent solos adultos, an etiam infantes, alio loco explicandum est. Interea videri potest Bellarminus & alij. Loquor autem de solo Baptismo & Eucharistia, quia aduersarij vix admittunt plura Sacra menta.

12. Dico tertio. Præceptum fidei obligat omnes mortales, sed non solum obligat. Prior pars conceditur à Caluinistis, & patet ex illo Marc. 16. 16. *Qui autem non crediderit, condemnabitur.* Posterior sequitur ex dictis, quia præter præceptū fidei, obligant nos etiā præcepta Decalogi & Sacramētalia. Hinc infero contra Caluinistas, libertatem Christianam non consistere in eo, quod sumus liberi ab obseruatione præceptorum Dei. In quo ergo consistit? In his tribus. Primo, in libertate à peccato & morte, iuxta illud Ioan. 8. 34. *Omnis qui facit peccatum, seruus est peccati.* Si ergo vos filius liberauerit, verè liberi eritis. Et Rom. 6. 18. *Liberatis autem à peccato, servi facti estis iustitiae.* Secundo, in libertate à iugo legis ceremonialis & iudicialis Iudæorum. Gal. 4. 9. *Quomodo iterum conueritimi ad infirma & egena elementa, quibus denuò seruire vultis?* Tertiò, in libertate à dominio & reatu legis moralis. Rom. 6. 14. *Non estis sub lege, sed sub gratia.* Et 2. Cor. 3. 17. *Vbi spiritus Domini, ibi libertas.* Et Gal. 5. 18. *Si spiritu ducimini, non estis sub lege.* Hic notandum est cù Augustino in explicatione primi Psalmi, quod aliud sit, hominē esse sub lege, & aliud, esse in lege. Iudæi erant sub lege, quia tanquam serui, subiecti erant pœnis & terroribus legalibus. Nos sumus in

H 4 lege,

lege, quia tanquam filij ex amore & charitate vivimus secundum legem. Hoc sensu Apostolus 1. Corinth. 9.21. negat se esse sub lege, & affirmat se esse in lege. Et D. Augustinus in libro de continentia cap.3. explicans illud Apostoli : *Non estis sub lege, sed sub gratia, sic habet: Non sumus sub lego bonum quidem inbente, non tamen dante; sed sumus sub gratia, quæ id, quod lex iubet, faciens nos amare, potest liberis imperare.* Et in libro de Natura & Gratia cap.57. *Si Spiritu ducimini, non estis sub lege, utique lege, quæ timorem incitat, non tribuit Charitatem.* Illud Apostoli, quod aduersarij obiiciunt : *Iusto non est lex posita, facilè explicatur ex dictis. Tametsi enim lex, secundum se spectata, æquè posita sit iustis & iniustis (utrisque enim præscribit lex, quid faciendum aut omittendum sit) non tamen pœna legis imponitur iustis, qui ex amore legem servant; sed iniustis, qui legem prævaricantur.* Hoc sensu dixit idem Apostolus ad Galatas tertio, verso decimonono. *Quid igitur lex? Propter transgressionem posita est.* Vide Augustinum in libro de spiritu & littera capite decimo.

CAPVT

CAPVT VI.



OMEN Synagogæ sumitur tribus modis in Scriptura. Primi, pro tota congregatione, seu Ecclesia Iudeorum. Numer. 27.20.

Audiat eum omnis Synagoga filiorum Israël. Et Ecclesiast. 50.15. *Coram omni Synagoga Israël.* Et alibi saepe. Et hoc sensu fuit typus seu figura Ecclesie Christi, ut postea explicabo.

Secundi, pro congregatione seu conuentu malorum. Psal. 85.14. *Deus, iniqui insurrexerunt super me, & Synagoga potentium, quæsierunt animam meam, & non proposuerunt te in conspectu suo.* Et Ecclesiast. 3.30. *Synagoge superborum non erit sanitas.* Et Apoc. 2.9. *Blasphemaris ab his, qui se dicunt Iudeos esse, & non sunt, sed sunt Synagoga Sathanæ.* Et cap.3.9. *Ecce dabo de Synagoga Sathanæ, qui dicunt se Iudeos esse, & non sunt, sed meniuntur.*

Tertiò, pro quibusdam ædificiis seu domibus, in quibus Iudei singulis Sabbathis solent Scripturam legere & explicare. De his frequens est mentio in Euangelio. Matth. 4.23. *Circuibat Iesus totam Galileam, docens in Synagogis eorum.* Et Marci 1.21. *Et Sabbathis ingressus in Synagogam docebat eos.* Et Lucæ 4.17. *Intrauit secundum consuetudinem snam die Sabbathi in Synagogam, & surrexit legere: & traditus est illi liber Isaiae Prophetæ.* Et Ioan. 9.22. *Iam conspirauerunt Iudei, ut si quis eum conficeretur esse*

H 5 Chri